



Sámi allaskuvla

Sámi University of Applied Sciences

OAHPPOPLÁNA

Govven- ja filbmenoahppu 2

5 oahppočuoggá

Sámi journalistihka bachelorprográmma

1 Oahpu namma

Sámegillii: Govven- ja filbmenoahppu 2

Norsk: Foto- og filmutdanning 2

English: Photo and Film Education 2

2 Oppalaš diedut oahpu birra

- Oahppoovttadaga koda: JOU 106-2
- Viidodat: 5 oahppočuoggá
- Oahpu lágideapmi: Oahppu lágiduvvo oahppobáikkis Sámi allaskuvllas.

3 Oahpu gullevažuohta

Fága lea geatnegahtton oassi Sámi journalistihka bachelor oahpus.

4 Sisabeassangáibádusat

Studeanttat fertejit leat čadahan Govven- ja filbmenoahppu 1 dahje vástideaddji oahpu ovdal besset Govven- ja filbmenoahppu 2:ii.

Jos leat sajit, de sáhttet olggobeale/ eksterna ohccit ohcat dán ohppui. Ohccit fertejit deavdit Sámi allaskuvlla vuoddoahpuid oppalaš sisaváldingáibádusaid.

Sisabeassanvuodđu sáhtá leat juogo oppalaš lohangelbbolašvuohta (čadahan joatkaskuvlla/logahaga) dahje reálagelbbolašvuohta. Sámegiela gáibádusa sáhtá deavdit čuovvovaš vugiid mielde: Norgga joatkaskuvllas sámegiella 1. dahje 2. giellan 2, Suoma logahagas eatnigielladutkkus dahje lohkan sámegiela vierrogiellan ja Ruota gymnásas eatnigiellan (modersmål 200 čuoggá) dahje odđaaigásaš giellan (moderna språk 200-300 čuoggá) dahje vástideaddji sámegieloahppu doaibmi njuolggadusaid mielde. Sámegiela gáibádusa sáhtá maid deavdit sámegiela lohkanbadjeoahpuin, 30 oahppočuoggá, dahje vástideaddji oahpuin dahje ceavzit giellageahččaleami maid Sámi allaskuvla lágida. Jus lea eahpesihkarvuohta man dási gelbbolašvuohta ohccis lea, de ášši ovddiduvvo fágalaš árvoštallamii ja meannuduvvo dán vuodul.

5 Oahpahusgiella

Oahpahusgiella lea davvisámegiella, muhto skandináva gielat ja engelasgiella sáhttet geavahuvvot. Oahpahus eanjalgillii ii dulkojuvvo. Eará gielaide oahpahus dulkojuvvo dárbbu mielde.

6 Sisdoallu

Studeanttat galget dán oahpus čiekŋudit filmma giehtačállinbargui. Ideaid vuodul studeanttat čálligohtet giehtačállosiid, dokumentára- dahje oanehis fikšuvdna šanjeris. Dehálaš mihttun lea oahppat filbmačállima vuodđodramaturgiija álgoálbmot geahčestagas ja máhttit dán ieš kreatiivvalaččat geavahit giehtačállimis. Studeanta galgá čállit synopsisa, mii lea oanehis filbmamuitalusa čilgehus (1 siiddu), dan vuodul fas treatment, mii lea filmma ollislaš čilgehus (5-7 siiddu). Treatment bidjá vuoddu giehtačállosii, mii galgá leat 5-10 siiddu. Oassin dán

oahpus lea maid ráhkadit storyboard ja hábmet visuála filbmamuitaš giehthačálloša vuodul ja geavahit dán vuodđun filbmemei.

Giehthačáluš galgá filbmejuvvot ja čuhppot válmmas 5 minuhtasaš filbman, mii galgá čájehuvvot almmolaččat.

7 Oahppanjoksosat

Máhttu ja diehtu:

Studeanta

- ádde movt gávdnat ideaid mat doibmet filbman
- ádde movt giehthačáluš dahká vuoddu válmmas filbmii
- ádde mii lea synopsis, treatment ja giehthačáluš filmma oktavuodas

Gálggat:

Studeanta

- máhtta čállit synopsisa, treatment ja giehthačálloša filbmii
- máhtta ráhkadit storyboarda (govvačilgehusa)
- máhtta reflekteret dahje vuodoleappot čilget iežas bargguid birra
- máhtta praktihkalaččat ráhkadit filmma dan vuodul maid leat oahppan

Oppalaš gelbbolašvuohta:

Studeanta

- máhtta iešheanálaččat bargat giehthačállima vuoddoteknikkaiguin ja dramaturgiiain
- máhtta geavahit visuála muitalanteknikkaid ráhkadit oanehis filmma.

8 Oahpahan- ja oahppanvuogit

Dán fáttás lea oassi oahpahas luohkkálanjas, sihke logaldallamat, joavkobarggut ja individuála bargobihtát. Vurdojuvvo ahte studeanttat ieža nagodit čađahit filbmema ja govvema lagašbirrasis ja ahte barget ovttas iešguđetge prošeavttaiguin. Studeanta galgá ráhkadit filmma dahje govvet. Oahpus fállat bagadallama, árvvoštallama ja čuovvolemiid.

9 Gáibádusat beassat eksámenii

Bargogáibádusaide gullet leat aktiivvalaččat mielde logaldallamiin ja buvttadit jeavddalaččat geatnegahtton bargguid. Vurdojuvvo ahte studeanttat čállet giehthačálloša ja hárjehallet dán teknikaid ja dán vuodul ráhkadit 5- 10 minuhta guhkkosaš filmma eksámenis. Lea eaktu ahte barget ovttas eará studeanttaiguin.

Kurssa dohkkeheami gáibádussan lea unnimusat 80 proseantta oassálastin ja buot bargobihtát galget leat máhcahuvvon ja 80 proseantta dohkkehuvvon. Fágaoahpaheadđji dohkkeha gáibádusaid beassat eksámenii.

10 Eksámen

Eksámen lea 5-beaivásaš ruovttueksámen mas ráhkada 5-10 minuhta guhkkosaš filmma. Studeanttat barget joavkkus.

Árvosánit addojit ECTS vuogádaga mielde, mas A lea buoremus árvosátni ja E lea vuolemus ceavzinárvosátni. F árvosátni mearkkaša ahte ii leat ceavzán. Muđui čujuhuvvo Sámi allaskuvlla loahpalaš árvvoštallan- ja eksámennjuolggadusaide.

11 Leago privatisttain vejolaš váldit dán oahpu?

Ii leat.

12 Kvalitehtasihkkarastin

Čujuhuvvo Sámi allaskuvlla kvalitehtasihkkarastinvuogádahkii, ja makkár vejolašvuodát/geatnegasvuodát studeanttain lea árvvoštallat Sámi allaskuvlla oahppofálaldagaid ja bálvalusaid kvalitehta.

Studeantadásis oahppu árvvoštallojuvvo evaluerenčoahkkimis ja studeanttat devdet árvvoštallanskovi oahpu loahpahettiin. Ásahusdásis oahppu árvvoštallojuvvo studeantaárvvoštallamiid, eksámenraporttaid, sensorraporttaid ja fágaraportta vuodul.

13 Lohkanmearri

Bergström, Bo (2016) *Effektiv visuell kommunikation*, upplaga 10, Stockholm: Carlssons

Bjørneboe, Marianne (eds) (2001). *Film forteller*. Gyldendal Norsk Forlag AS. Oslo

Evans, Christian (2006). *Inføring i dramaturgi. Teater. Film. Fjernsyn*. Cappelen Akademisk forlag. Oslo

Fiel, Syd (2010) *The Foundations of Screenwriting, A step by step guide from concept to finished script*

Vogler, Chirstopher (2007). *The Writerr´s Journey: Mythic Structure for Writers*. Michele Wiese Productions. Los Angeles

Web:

www.sharingstories.org

www.isuma.tv

www.sapmifilm.com

www.isfi.no

https://www.berlinale.de/en/archiv/jahresarchive/2017/06b_berlinale_themen_2017/native_2017.html

<http://www.imagenative.org>

Magasiinnat:

Screen | Oxford Academic: <https://academic.oup.com/screen>

Filmmat:

Kunuk, Zakahrias (2001) *Atarnarjuat*, Canada Nunavut

Kunuk, Zacharias (2009) *Tungijuq*, Nunavut

Kunuk, Zakharias (2010) *Inuit Knowledge of Climat Ghanging*, Nunavut

Kunuk, Zakahria (2016) *Searchers*, Nunavut